

Umat berilmu disegani – PM

Um - 12/4/2006

KUALA LUMPUR 11 April – Datuk Seri Abdullah Ahmad Badawi berkata, hanya dengan penggunaan ilmu, umat Islam berupaya keluar daripada kehinaan, seterusnya menjadi umat yang disegani dan mempelopori tamadun manusia.

Perdana Menteri berkata, cabaran itu mesti disambut oleh semua umat Islam di negara ini untuk melakar sejarah dan membina tamadun.

Sehubungan itu, beliau mengajak umat Islam mempertingkatkan keazaman dan kesungguhan untuk meningkatkan keupayaan melalui ilmu pengetahuan, merobohkan belunggu kejahilan dan muncul menjadi umat yang cemerlang, gemilang dan terbilang.

Menurutnya, anugerah Allah seperti emas di perut bumi atau minyak di dasar laut akan menjadi satu pembaziran jika ilmu tidak digunakan untuk menemuinya, mencarinya dan mengeluarkan.

“Bersesuaian dengan tradisi dan penguasaan ilmu itu, salah satu daripada 10 prinsip utama Islam Had-

hari seperti yang dijadikan gagasan ialah penguasaan ilmu pengetahuan

ABDULLAH AHMAD BADAWI
Perdana Menteri

hari seperti yang dijadikan gagasan ialah penguasaan kepada ilmu pengetahuan.

“Oleh itu sesuai dengan pemilihan tema ‘Keunggulan Ilmu Teras Kegemilangan Ummah’ tahun ini, marilah kita menghayatinya sambil menterjemahkan ke dalam kehidupan harian kita,” katanya dalam ucapan alu-aluan pada buku cenderamata Sambutan Maulidur Rasul Peringkat Kebangsaan 1427H di Stadium Negara, di sini hari ini.

Turut hadir Yang di-Pertuan Agong, Tuanku Syed Sirajuddin Syed Putra Jamalullail dan Timbalan Perdana Menteri, Datuk Seri Najib Tun Razak.

Perdana Menteri berkata, tidak dapat dinafikan bahawa detik keputeraan Nabi Muhammad s.a.w. adalah episod yang penting dalam seja-


rah umat Islam.

“Rasulullah s.a.w. bukan sahaja menyampaikan risalah mulia, tetapi baginda juga menjadi ejen perubahan kepada pengesanan Allah dalam pemeraksanaan ilmu dan pembinaan tamadun serta peradaban,” katanya.

Penekanan ilmu dalam risalah Rasulullah s.a.w., katanya, jelas dapat dimanifestasikan dalam wahyu pertama ‘Iqra’.

Tidak syak lagi kalimah itu mengandungi arahan dan perintah untuk umat Islam meneroka dan membongkar lautan ilmu yang luas terbentang, ujarnya.

“Sebagai ejen perubahan, Rasulullah s.a.w. berjaya mengeluarkan umat daripada zaman jahiliah pada masa itu hanya dengan penguasaan ilmu pengetahuan,” katanya.



TUANKU Syed Sirajuddin Syed Putra Jamalullail bersama Abdullah Ahmad Badawi dan Najib Tun Razak turut berselawat ke atas Nabi Muhammad s.a.w. pada Majlis Sambutan Maulidur Rasul Peringkat Kebangsaan di Stadium Negara, Kuala Lumpur, semalam.